





詩紀卷之五十六

齊一

高帝

姓蕭氏諱道成字紹伯仕宋累封齊王廢宋自立。詩品曰齊高帝詩詞藻意深無所云少

塞客吟

此詩見蘇侃傳外編逸軌皆作侃詩非也

齊書曰高帝在淮上取蘇侃為冠軍錄事參軍是時新失淮北遣帝北戍每歲秋冬間遣淮騷動帝廣遣偵候安集荒餘又營繕城府帝在兵中久見疑於時乃作塞客吟以喻志侃達此旨更自勸勵委以府事深見知待

寶緯紊宗神經越序德晦河晉力宣江楚雲雷兆壯天

山繇武直髮指河

一作秦

關疑精越漢渚秋風起寒草衰



雕鴻思邊馬悲平原千里顧但見轉蓬飛星嚴海淨月  
徹河明清輝映幙素液凝庭金笳夜厲羽轉晨征幹晴  
潭而悵泗柵松洲而悼情蘭涵風而瀉艷菊籠泉而散  
英曲繞首燕之歎吹軫絕越之聲歛園琴之孤弄想庭  
藿之餘馨青關望斷白日西斜恬源靚霧龍首暉霞戒  
旋鷁躍還波情綿綿而方遠思裊裊而遂多粵擊秦中之  
筑因為塞上之歌歌曰朝發兮江泉日夕兮陵山鷲颺  
兮滌汨淮流兮潺湲胡埃兮雲聚楚旆兮星懸愁墉兮  
思宇惻愴兮何言定寰中之逸鑒審雕陵之迷泉悟樊

籠之或累悵遐心以栖玄會

風群鶴詠

南史曰齊高帝鎮淮陰為宋明帝所疑被徵為黃門即深懷憂慮見平澤有群鶴命筆詠之

八風儻遙翻九野弄清音一摧雲間志為君苑中禽

武帝

諱贖字宣遠高帝長子也初仕宋為江州刺史輔高帝受禪功參佐命後嗣位

估客樂

古今樂錄曰估客樂者齊武帝之所製也帝布衣時嘗遊樊鄧登祚以後追憶往事而作歌使樂府令劉瑤管弦被之教習卒遂無成有人啓釋寶月善解音律帝使奏之旬日之



中便就諧合，敕歌者常重為感憶之聲。猶行於世寶月，又上兩曲。帝數乘龍舟遊五城江中，放觀以絰越布為帆，綠絲為帆，絳鑰石為篙，足篙榜者悉著鬱林布，作淡黃袴，列開使江中，衣出五城殿，猶在齊舞十六人。梁八人。唐書樂志曰：梁改其名為商旅行。

昔經樊鄧後，阻潮梅根渚。感憶追往事，意滿辭不叙。

竟陵王子良

字雲英，武帝第二子也。幼聰敏，宋末為邵陵王友。武帝即位，封竟郡王。南徐州刺史，又兼司徒，進號車騎將軍，禮才好士，傾意賓客。天下才學皆遊集焉。隆昌元年薨。

九日侍宴

月殿風轉層臺氣，寒高雲斂色。遙露已團式，詔司警言。戾秋齋，輕觴時薦落英可食。

侍皇太子釋奠宴

霜輕流日風送夕，雲雕檐結綵綺。井生文四璉，合旨八

簋舒芬

闕

遊後園

託性本禽魚，栖情閑物外。蘿徑轉連綿，松軒方杳藹。丘

壑每淹留，風雲多賞會

闕

行宅

并序

余稟性端踈，屬愛閑外。往歲羈役浙東，備歷江山之美名。都勝境極盡，登臨山原石道，步步新情，迴池絕



澗徃徃舊識以吟以詠聊用述心  
訪宇北山阿卜居西野外幼賞悅禽魚早性羨蓬艾關

登山望雷居士精舍同沈右衛過劉先生墓下

并作序。一作同隨王。經劉先生墓下作

沛國劉子珪學優未仕跡邇心遐履信體仁古之遺

德潛舟迅景滅賞淪輝言念芳猷式懷嗟述屬舍弟

隨郡有示來篇彌績久要之情益深宿草之歎升望

西山率爾為答雖因事雷生實申悲劉子云爾劉璣字子珪

珪沛郡相人南史有傳

漢陵淹館蕪晉珍一作彌洙風缺五都聲論空三河文義

絕典禮邁前英談玄踰徃哲明情日夜深徽音歲時滅

垣井總已平烟雲從容裔爾嘆牛山悲我悼驚川逝早

經劉璣墓下隨郡王蕭子隆字雲與武

帝第八子性和美有文才為都督荊州刺史歷侍中中軍大將軍明帝輔政謀害諸王子

隆被害

升堂子不謬問道余未窮如何辭白日千載隔音通

山門一已絕長夜緬難終初松切暮鳥新楊催曉風

榛關向蕪密泉途轉銷空



奉和竟陵王經劉瓛墓下

沈約

表閭欽逸軌軾墓禮貞魂化塗終眇默神理暖猶存  
塵經未輟幌高衡已委門日燕子雲舍徒望董生園  
華陰無遺布楚席有靈樽玄

倘能慰長夜且勿論

奉和竟陵王同沈右率過劉先生墓

謝朓

嘉樹因枝條琢玉良可寶若人陵曲臺垂帷茂淵道  
善誘宗學原鳴鍾霽幽抱仁馬祖宛洛清徽夜何早  
歲晚結松陰平原亂秋草不有至言揚終滯西山老

同前

虞炎

下帷聞昔儒窺園信且逸聚學從烟郊栖遁事環壘  
戢景謝歸年稅駕空悠日庭露已沾衣松門向蕭瑟  
憫憫神念周依依惠言密

同前

柳惔

西河寂高業北海望清塵曾微誰與寄尚德在伊人  
遺文重昭晰絕緒復紛綸露華白朝日蘭生無久春  
芳馥動淵思撫軾履高辰山風起寒木野雀亂秋榛

隴草時易宿素軌邈難遵

蕭子隆已下并見謝朓集今移置于此

王儉

字仲寶瑯琊人宋孝武時襲爵豫寧縣侯明帝選尚陽美公主拜駙馬都尉官至侍中後輔齊



高帝受禪改封南昌郡  
公累遷侍中尚書令

### 侍皇太子釋奠宴

南齊禮志永明年皇太子  
講孝經親臨釋奠車駕幸聽

禮惟國幹義實民端身由業澡世以教安金銘乃器水  
術伊瀾漸芳則馥履冰固寒警宗務時類宮善誘咨此  
含生躋彼仁壽淳移雅缺歷茲永久遊藝莫師獨學誰  
友三兆戒辰八鸞驚旦風動蒿宮雲棲叅館禮邁仁周  
樂超英漢神保爰格祝史斯贊鬱鬯既終德馨是與降  
冕上庠升宴東序槐宰金貞藩維玉譽時彥莘莘國胄

### 楚楚

#### 侍太子九日宴玄圃詩

明明儲后冲默其量徘徊禮樂優游風尚微言外融幾  
神内王就日齊暉儀雲等望本茂條榮源澄流潔漢稱  
間平周云魯衛咨我藩華方軼前軌秋日在房鴻鴈來  
翔寥寥清景靄靄微霜草木搖落幽蘭獨芳眷言淄苑  
尚想濠梁既暢旨酒亦飽微猷有來斯悅無遠不柔

#### 贈徐孝嗣

婉婉遊龍載遊載東靡靡行雲並躍齊蹤無類不感有



來斯雍之子云邁嗟我莫從歲云暮止述職戒行崇蘭  
罷秀孤松獨貞悲風宵遠乘鴈晨征撫物遐想念別書

情

南史載四句曰方軌叔茂追清彦輔柔亦不  
茹剛亦不吐時人以比蔡子尼之行狀也

春日家園

徙倚未云暮陽光忽已收羲和無停畧壯士豈淹留

冉

一作  
荏苒

老將至功名竟不脩稷契匡虞夏伊呂翼商周

撫躬謝先哲解紱歸山丘

春詩二首

蘭生已匝苑萍開欲半池輕風搖雜蘼細雨亂叢枝

風光承露照霧色點蘭暉青萋結翠藻黃鳥弄春飛

春夕

露華方照歲雲彩復經春虛閨稍疊草幽帳日凝塵

後園餞從兄豫章

茲夕竟何夕念別開曾軒光風轉蘭蕙流月汎虛園

王僧祐

字胤宗微從子也舉秀才為驃騎法曹雅好  
博古善老莊亭然獨立不交當世仕至太子

中舍  
人

贈王儉

南史曰僧祐儉之從弟也儉嘗鳴笳列騶至  
僧祐門僧祐輒稱疾不出儉曰此吾之所望



於若人也世皆推儉之愛名德而重僧祐之不趨勢也詩云

汝家在市門我家在南郭汝家饒賓侶我家多鳥雀

徐孝嗣

字始昌東海郟人也尚宋康樂公主拜駙馬都尉入齊累遷侍中封枝江縣公東昏失德

將謀廢立事覺召入華林省飲藥死

白雪歌

一作琴歌

風閨晚翻靄月殿夜疑明願君早流眄無令春草生

詩紀卷之五十六

詩紀卷之五十七

齊二

王融

字元長琅琊人僧達之孫也少警慧博涉多通仕齊武帝遷秘書丞歷中書郎竟陵王子良板

為盜朔將軍武帝大漸謀立子良及鬱林郎位下獄賜死○詩品曰齊盜朔將軍王融詩齊中廢子

劉繪詩元長士章並有盛才詞美英淨至於五言之作幾乎尺有所短譬應變將畧辨武侯所長恭

足以貶卧龍也

樂府

齊明王歌辭七首

應司徒教作以下五言

明王日月明王曲



明王日月照至樂天地和幸息雲門吹復歇咸池歌桂  
序一作房金匏轉瑤軒絲石羅朱騏步躑躅玄鶴舞蹉跎  
露凝嘉草秀烟度醴泉波皇基方萬祀齊民樂如何

聖君曲

聖君應昌歷景祚啓休期龍樓神霄道兔園仁義基海  
蕩萬川集山崖百草滋盤苗成萃止渝誅異來思清明  
動離軫威惠一作懷被殊辭大哉君為后何羨唐虞時

涿水曲

湛露改寒司交鸞變春旭瓊樹落晨紅瑤塘水初涿

霽沙淑明風泉動

藝文作暗

華燭遵渚泛蘭觴乘漪弄清曲

斗酒千金輕寸陰百年促何用盡歡娛王度式如玉

採菱曲

炎光銷玉殿涼風吹鳳樓雕輜

一作青輜

僚平隰朱櫂泊安

流金華妝翠羽鷁首晝飛

一作龍

舟荆姬採菱曲越女江

南謳騰聲翻葉靜發

一作散

響谷雲浮良時時一遇佳人

難再求

清楚引

平原數千里飛觀鬱岩岩清月罔將曙浩露零中宵轉



葉度沙海別羽自冰遼四面通寒色左右竟巖飈峭澗  
多榛梗京索久塵苗逝將憑神武奮劍湯盪遺妖

長歌引

周雅聽休明齊德觀升平紫烟四時合黃河萬里清翠  
柳蔭通街朱闕臨高城方轂雷塵起接袖風雲生酣笑  
爭日夕絲管牙逢迎徂年無促慮長歌有餘聲

牙疑作互

散曲

金枝湛明燎繡幕裂芳然層闈橫綠綺曠席緬朱纏楚  
調廣陵散瑟柱秋風弦輕裙中山麗長袖邯鄲妍徐歌  
駐行景迅節淪浮烟言願聖明主永永萬斯年

三婦豔詩

大婦織綺羅中婦織流黃小婦獨無事挾瑟上高堂丈  
夫且安坐調絃詎未央

青青河畔草

容容寒烟起翹翹望行子行子殊未歸寤寐君一作容

輝夜中心愛促覺後阻河曲河曲萬里餘情交襟袖踈

珠露春華返璿霜秋照一作桂晚入室怨娥眉情歸為誰

婉



同沈右率諸公賦鼓吹曲二首

附見謝朓集或作朓詩非也

想像一作髮髯巫山高薄暮陽臺曲烟霞乍舒卷蘅行一作芳

自斷續集作烟雲乍卷舒猿鳥時斷續彼美如可期寤言紛在矚憮然

坐相思一作望秋風下庭綠

芳樹一作芳樹

相望早春日烟華雜如霧復此佳麗人含情結芳樹綺

羅已自憐萱風多有趣去來徘徊者佳人不可遇

臨高臺

遊人欲騁望積步上高臺并蓮當夏吐窓桂逐秋開花

飛低不入鳥散遠時來還看雲棟影含月共徘徊

望城行

金城十二重雲氣出表裏萬戶如不殊千門反相似車

馬若飛龍長衢無極已簫鼓相逢迎信哉佳城市

法樂辭十二首樂府作法壽樂歌

天長命自短世促道悠悠禪衢開遠駕愛海亂輕舟累

塵曾未極心樹豈能籌情埃何用洗正水有清流

右歌本起

右歌本起

右歌本起



百神肅以虔三靈震且越怕一作常曜揜芳宵薰風動蘭

月丹榮藻玉墀翠羽文珠闕皓毳非虛來交輪豈徒發

天身命自右歌靈瑞

韶年春已仲明星夜未央千祀鍾休曆萬國會嘉祥金

容涵夕景翠鬢佩晨光表塵維淨覺汎俗迺輪皇

金琳十二右歌下生

襲氣變離宮重析驚層殿曼響感心神脩容轉惟宴生

老終已縈死病行當薦方為淨國遊豈結危城戀

班入右歌在宮

春枝多病天秋葉少欣榮心骸終委滅親愛暫平生長

風吹北隴迅瀑急東瀛知三既情暢得一乃身貞

右歌四遊

飛策辭國門端儀偃郊樹慈愛徒相思閨中空戀慕夙

隸乖往塗駿足獨歸路舉袂謝時人得道且還去一作顧

右歌出國

明心弘十力寂慮安四禪青禽承逸軌文驪一作鑣鏡重

川鷲巖標遠勝鹿野究清玄不有希世寶何以導濛泉

右歌得道



亭亭雙月流朏朏晨霜結川上不徘徊條間亟渝滅靈  
知湛常然符一作應有盈缺感運復來儀且厭人間世

音

右歌雙樹

一作寶樹

春

一作春

山王所府檀林芳

一作鸞

所栖引火歸炎燧挹水

自清隄庵園無異轍祇館有同躋此肩非今古接武豈

燕齊

右歌賢衆

昔余輕歲月茲也重光陰閨中屏鈿黛闌下挂纓簪禪

悅兼芳旨法言戀

一作志

清琴一異非能辨寵辱誰為心

右歌學徒

峻宇臨層穹茗茗踈遠風騰芳清漢裏響梵高雲中金

華紛苒若瓊樹鬱青葱貞心延淨境邃業嗣天宮

右歌供具

影響未嘗隔晦明殊復親弘慈貌已遠睿后扇高塵區

中提景福寓外沐深仁萬祀留國祚億兆慶唐民

右歌福應

少年子



聞有東方騎遙見上頭人待君送客返桂釵當自陳

江臯曲蘇軾

林斷山更續洲盡江復開雲峯帝鄉起水源桐栢來

得響未思公子周勃之

春盡風颯颯蘭凋木脩脩王孫久為客思君徒自憂

王孫遊王臺作

置酒登廣殿開襟望所思春草行已歇何事久佳期金

陽翟新聲隋書翟

懷春發下蔡含笑向陽城恥為飛雉曲好作鷓鴣鳴

永明樂十首謝朓同賦

玄符昭景歷茂實偶英聲長為南山固永與朝日明

靈丘比翼栖芳林合條起兩代分憲章一朝會書軌

二離金玉相三袞蘭蕙芳重儀文世子再奉東平王

空谷返逸驂陰山響鳴鶴振玉躡丹墀懷芳步青閣

崇文晦已明膠庠雜復整弱臺留折巾沂川詠芳穎

定林去喧俗鹿野出埃霞香風流梵瑄澤雨散雲花

楚望傾澠滌日館仰鑿鈴已晞五雲發方照兩河清

幸哉明盛世壯矣帝王居高門夜不拚飲帳曉長舒



揔棹金陵渚方駕玉山阿輕露炫珠翠初風搖綺羅  
西園抽蕙草北沼掇芳蓮生逢永明樂死日生之年

武林志奉和秋夜長

王臺作  
秋夜

秋夜長夜長樂未央舞袖拂花燭歌聲繞鳳梁

空谷詩

贈族叔衛軍

台曜澄華鉉岳裁峻經天為象麗地作鎮不器其德有

斐斯文質超瑚璉才逸卿雲搖筆泉瀉動詠囊紛德馨

伊何如蘭之宜貞筠抽箭湘壁懷山六樂幸該五禮

貫七訓是敷三英有粲惟旦惟公惟公惟公惟公

從武帝瑯琊城講武應詔

治兵聞魯策訓旅見周篇教民良不棄任智理恒全白

日映丹羽頽霞文翠旃凌山炫組甲帶水被戈船凝葭

鬱摧愴清管乍聯綿早逢文化洽復屬武功宣願陪王

鑿右一舉掃燕然

栖玄寺聽講畢遊邱園七韻應司徒教

道勝業茲遠心閑地能隙桂撩鬱初裁蘭墀坦將闢虛

檐對長嶼高軒臨廣液芳草列成行嘉樹紛如積流風



轉還逕還音旋清煙泛喬石日汨山照紅松映水華碧暢

哉人外賞遲遲眷西夕

雜體報范通直

和壁荆山下隋珠漢水濱無雙自昔代有美今為隣三

楚多秀士江上復才人締綃非善賈聖德可名臣追飛

且學步共子奉清塵紫庭風日好青槐枝葉新徘徊吹

樓側欲見心所親例君蘭蕙草何用以書紳莊子河上有家貧特

締而食者註蕭蒿也織蒿為薄綃疑蕭字之誤也樹未詳音義融集作微

古意贈王中書 范雲

攝官青鎖闥遙望鳳皇池誰云相去遠脉脉阻光儀

岱山饒靈異沂水富英奇逸翮凌北海搏飛出南皮

無遭逢聖明后来棲桐樹枝竹花何莫莫桐葉何離離

可棲復可食此外亦何為豈知鷦鷯者一粒有餘貲

蕭諮議西上夜集古文苑作別蕭諮議

徘徊將所愛惜別在河梁衿袖三春隔江山千里長寸

心無遠近邊地有風霜勉哉勤歲暮敬矣事容光山中

殊未憚杜若空自芳

別王丞僧孺藝文作謝朓



首夏實清和餘春滿郊甸花樹雜為錦月池皎如練如  
何於一作當此時別離言與面留雜已鬱紆行舟亦遙行

非君不見思所悲思不見先遣流暮始笑事容大山中

寒晚敬和何徵君點以三春圖以山十里身下

踈酌候冬序閑琴改秋律如何將暮天復值西歸日搖

落迎軒牖飛鳴亂繩華烟灌共深陰風篁兩簫瑟虛堂

無笑語懷君首如疾早輕北山賦晚愛東臯逸上德可

潤身下澤有徐轡叶音必

和王友德元古意二首

遊禽暮知返行人獨未歸坐銷芳草氣空度明月輝嘔

容入朝鏡思淚點春衣巫山彩雲沒淇上綠楊稀待君

竟不至秋鴈覆覆飛

霜氣下盟津秋風度函谷念君淒以寒當軒卷羅縠織

手廢裁縫曲鬢罷膏沐千里不相聞寸心鬱紛蘊平聲况

復飛螢夜木葉亂紛紛

奉和竟陵王郡縣名

追芳承荔浦揖道訊虛丘升裾臨廣牧從望盡平洲曾

山臨翠坂方渠緬清流陽臺翻早茂陰館懷名秋歲宴



東光弭景仄西華收端溪慙昔彥測水謝前脩徃食曲  
阜盛今屬平臺遊燕棠缺初雅鄭哀息遺謳久傾信都  
美乃結茂陵儔河間誠可詠南海果難遊

同前

沈約

西都富軒冕南宮溢才彥高闕連朱雉方渠漸游殿  
廣川肆河濟長岑繞崑汧曲梁濟危渚平臯騁悠眇  
青淵皎澄徹曾山鬱葱藉陽泉濯春藻陰丘聚寒霰  
西華不可留東光促奔箭望都遊子懷臨戎征馬倦  
既豫平臺集復齒南皮宴一窺長安城羞言杜陵掾

同前

范雲

撫戈金城外解珮玉門中白馬騰遠雪蒼松壯寒風  
臨涇方辯渭安夷始和戎取禾廣田北驅獸飛狐東  
新城多雉堞故市絕商工海西舟楫斷雲南烟霧通  
罄節疇盛德宣力照武功還飲漁陽水歸轉杜陵蓬

遊仙詩五首

集云  
應教

桃李不奢年桑榆多暮節常恐秋蓬根連翩因風雪習  
道遍槐岷追仙度瑤碣綠帙啓真詞丹經流妙說長河  
且已縈曾山方可礪

叶音  
列



獻歲和風起日出東南隅鳳旂亂烟道龍駕溢雲區結  
賞自員嶠移讌乃方壺金危浮水翠玉竿挹泉珠徒用  
霜露改終然天地俱

命駕瑤地隈過息羸女臺長袖何靡靡簫管清且哀璧  
門涼月舉珠殿秋風迴清鳥鶻高羽王母停玉盃舉手  
暫為別千年將復來

湘沅有蘭芷汨吾欲南征遺珮出長浦舉袂望增城朱  
霞拂綺樹白雲照金楹五芝多秀色八桂常冬榮弭節  
且夷與參差聞鳳笙

命駕隨所即燭龍導輕驪沙澤振寒草弱水駕冰潮遠  
翔馳聲響流雪白飄颻忽與若士遇長舉入雲霄羅繹  
徒有睨鷦明已寥寥

淨行詩十首

廣弘明集作淨行  
頌初學記作詩

冥津殊復曉高聽亦能卑陰墻雖兩密幽夜有四知炎  
山翻烈火冰澗巾寒澌羅城振雲幕鋒樹鬱霜枝茹荼  
非云苦集木豈稱危求仁曾已得長歎欲何為

韞石諒非真飾甌信為假竊服臯門上濫吹溜軒下鳳  
祀徒驚心騶文終好野實相豈或照浮榮未能捨迹殊



冠冕客事襲驅馳者已矣歇鄭聲無然亂周雅  
 處塵貴不染被褐重懷珠美玉曜幽石曾蘭挺叢芻四  
 氏一作民不為侶三界豈能渝諒茲親愛染寧以財利拘  
 煩流捨智寶榛路坦夷途萬物竟何匹烈火樹紅芙蓉一作  
 跌

心怨動紛迭情怡輒遷互歡愛一離遠傷憂坐衰暮連  
 幌結清陰高臺起風露腐毒緣芳旨天伐實修嫫慾網  
 必虧生繁直或全免耿耿夜何期悠悠終肯悟  
 端襟測煩海矯步寫埃氛三受猶絕雨八苦若浮雲輸

心仰圓極罄質委方墳朝遊淨國侶暮集靈山群燈祇  
 開遠照香宇薦嘉薰俛首睇入俗信矣靜為君

生塗非一理識緒固饒津徒駭東陵富空嗟北郭貧國  
 生曾已戾顏氏信為仁逢尤昭徃業習善會茲身勤憂  
 永夷泰晏安終苦辛令名且云重豈若樹良因

神膏施唯重玄酒恩未隆明璣隋水上潤玉藍田中稟  
 天性所極資敬道攸崇羽毛共以勢輪軌相為通報德  
 愴前雅酌言愛餘風遵塗每多舛顧省能無忡

冬狐狸豐毳春蠶緒輕絲形骸翻為阻心識還自欺華



榮羈卅日生平少年時驅車追俠客酌酒弄妖姬但念  
目前好安知身後悲惕然一以愧永與情愛辭

蘭室改蓬心旃崖變伊草丹青有必渝絲罌一作素豈常

皓曲轅且繩直詭木遂彫藻一簣或成山百里倦中道

隆一作崇漢乃王臣失楚信元保勉矣德不孤至言匪虛

造

金山嚴寶仍瓊琬列瑤蕙墻狐議不窟檐鷓豈能栖淨

花莊思序慧沼盥身倪六群儻未一七衆固恒齊端儀

有直景正道無傾蹊維宮超以悟襄野竟何迷

春遊迴文詩

藝文類聚作賀道慶

枝分柳塞北葉暗榆關東垂條逐絮轉落葉散花叢池

蓮照曉月幔錦拂朝風低吹雜綸羽薄粉艷粧紅離情

隔遠道嘆結深閨中

侍遊方山應詔

巡躅望登年悵飲臨秋縣日羽鏡霜淪雲旗落風甸四

瀛良在目八寓婉如見小臣竊自嘉預奉栢梁讌

奉辭鎮西應教

未學謝能筭高義幸知遊雷庭叅辨奭梁苑豫才鄒排



八齊言集卷之二  
迴歲光晚搖落江樹秋風旗縈別浦霜瑄迢遙州

錢謝文學離夜

所知共歌笑誰忍別笑歌離軒思黃鳥分渚菱青莎翻  
情結遠施灑淚與行波春江夜明月還望情如何

和南海王殿下詠秋胡妻七首

樂府作  
秋胡行

日月共為照松筠俱以貞佩紛甘自遠結鏡待君明且  
協金蘭好方愉琴瑟情佳人忽千里幽閨積思生  
景落中軒坐悠悠望城闕高樹升夕烟層樓滿初月光  
陰非或異山川屢難越輟泣揜鈿姿搔首亂雲髮

傾魄屬徂火搖念待方秋涼氣承宇結明熠僚堦流三  
星亦虛映四屋慘多愁思君如萱草一見乃忘憂

杼軸鬱不諧契闊彌新故朔風欄上發寒鳥林間度客  
遠乏衣裘歲晏饒霜露參差與別緒依遲起離慕

願言如可信行邁亦云反睇景不告勞瞻途寔遽遠何  
以淹歸轍蠶妾事春晚送日亂前華馳心迷舊婉

椒珮容有結振芳趾路隅黃金徒以賦白珪終不渝明  
心良自皎安用久踟躕遄車及粉巷流日下西虞

披帷悵有望出門遲所欲彼美復來儀慙顏變欣矚蘭



艾隔芳臭涇渭分清濁去去夫人子請殉川之曲

琵琶

見謝朓集

抱月如可明懷風殊復清絲中傳意緒花裏寄春情掩

抑有奇態悽鏘多好聲芳袖幸時拂龍門空自生

詠慢

古文苑作謝朓

幸得與珠綴鼎歷君之楹月映不辭卷風來輒自輕每

聚金爐氣時駐玉琴聲但願置尊酒蘭缸當夜明

藥名

以下二首見事林廣記

重臺信嚴敞陵澤乃閑荒石蚕終未爾垣衣不可裳秦

霜警近詠楚蘅搢遠翔韓原結神草隨庭銜夜光

星名

眇歎屬辰移端憂臨歲永久慙入漢客每愧尊何影仙

羽誠不返蓬襟良未整誰謂無正心大陵有霜頴

奉和月下

雕雲度綺錢香風入珠網獨知此夜月依遲慕神賞

詠池上梨花

翻堦沒細草集水間踈萍芳春照流雪深夕映繁星

和池上梨花

劉繪



露庭晚翻積風閨夜入多縈藜似亂蝶拂燭狀聯蛾

詠梧桐水間起我芳春照空雲彩文如蠶星

騫鳳影層枝輕虹鏡展綵豈斲龍門幽直慕瑤池曲

詠女蘿風人相臨賦賦女蘿且外安慕林賞

冪歷女蘿草蔓衍旁松枝含烟黃且綵因風卷復垂

移席琴室應司徒教

雪崖似留月蘿徑若披雲潺湲石溜寫綿蠻山雨聞

抄衆書應司徒教

說禮固多才悖詩信為善巖笥發仙華金滕開碧象

奉和代徐二首 玉臺作自君之出矣

自君之出矣芳蕝絕瑤卮思君如形影寢興未曾離

自君之出矣金爐香不燃思君如明燭中宵空自煎

擬古二首 一作代藁砧二作鏡臺

花蒂今何在亦是林下生何當垂雙鬢團扇雲間明

鏡臺今何在寸身正相隨何當碎聯玉雲上壁已虧

四色詠

赤如城霞起青如松霧澈黑如幽都雲白如瑤池雪

離合賦物為詠 玉臺云詠火



水容慙遠鑒水質謝明暉是照相思夕早望行人歸火

後園作迴文詩此當為梁元帝詩觀簡文諸人和詩可見藝文逸名俟再考証

斜峯繞徑曲聳石帶山連花餘拂戲鳥樹密隱鳴蟬

雙聲詩

園蘅眩紅藹湖荇燁黃華迴鶴橫淮翰遠越合雲霞

代五雜組

五雜組慶雲發往復還經天月不獲已生胡越

奉和織織

兩頭織織綺上紋半白半黑鷓翔群臚臚臚烏迷曛

磊磊落落玉石分



詩紀卷之五十七

詩紀卷之五十八

齊三

謝朓

字玄暉宋僕射景仁之從孫少有美名齊隨王

子隆鎮荊州

以為文學未幾求還都除新安王

詔議掌中書

詔誥轉中書郎宣城王鸞輔政以為驃騎

引以為黨

不從收下獄死。詩品曰謝朓詩其源

出於謝混

微傷細密頗在不倫一章之中自有玉

石然奇章秀句

往往警適足使叔源失步明遠變

色善自發詩端而未篇多躓此意銳而才弱也至

為後進士子之所嗟慕朓極與余論詩感激頃挫

過其

樂府



隋王鼓吹曲十首

以下  
五言

齊永明八年謝朓奉鎮西隨王教於荊州道  
監其中作鈞天已上三曲頌帝功校獵已上三曲

頌藩  
德

元會曲

二儀啓昌曆三陽應慶期珪贄紛成序鞮譯憬來思分

階葩組練充庭羅翠旗觴流白日下吹溢景雲滋天儀

穆藻殿萬寓壽皇基

郊祀曲

六宗禋配岳五時奠甘泉整蹕遊九闕清簫開八壑鏘

鏘玉鑿動溶溶金障旋郊宮光已屬升柴禮既虔福響

靈之集南岳固斯年

鈞天曲

高宴顯天臺置酒迎風觀笙鏘禮百神鍾石動雲漢瑤

堂琴瑟驚綺席舞衣散威鳳來參差玄鶴起凌亂已慶

明庭樂詎慙南風彈

入朝曲

江南佳麗地金陵帝王州逶迤帶綠水迢遞起朱樓飛

甍夾馳道垂楊蔭御溝凝笳翼高蓋疊鼓送華輈獻納



雲臺表功名良可收  
雲南出藩曲  
雲枝紫微內分組承明  
阿飛艤遡極浦旌節去關河  
眇蒼山色沉沉寒水波  
鏡音巴渝曲簫鼓盛唐歌  
夫君邁惟德江漢仰清和  
校獵曲  
疑霜冬十月殺盛涼  
飈哀原澤曠千里騰騎紛往來  
平置望烟合烈火從風迴  
殪獸華容浦張樂荆山臺  
虞人昔有論明明時戒哉

從戎曲

選旅辭輟軒弭節赴河源  
日起霜戈照風迴連騎翻紅  
塵朝夜合黃沙萬里昏  
寥戾清笳轉蕭條邊馬煩自勉  
輟耕願征役去何言

送遠曲

北梁辭歡宴南浦送佳人  
方衢控龍馬平路騁朱輪瓊  
筵妙舞絕桂席羽觴陳  
白雲丘陵遠山川時未因  
一為清吹激潺湲傷別巾

登山曲



天明開秀嶂瀾光媚碧堤風盪飄鶯亂雲行芳樹低暮  
春春服美遊駕凌丹梯升嶠既小魯登巒且悵齊王孫  
尚游行蕙草正萋萋

泛水曲

玉露霑翠葉金風鳴素枝罷遊平樂苑泛鷁昆明池旌  
旗散容裔簫管吹參差日晚厭遵渚採菱贈清漪百年  
如流水寸心寧共知

江上曲

易陽春草出踟躕日已暮蓮葉尚田田淇水不可渡願

子淹桂舟時同千里路千里既相許桂舟復容與江上  
可采菱清歌共南楚

蒲生行

本集不載見樂府詩集

蒲生廣湖邊託身洪波側春露惠我澤秋霜纏我色根  
葉從風浪常恐不永植攝生各有命豈云智與力安得  
遊雲上與爾同羽翼

詠邯鄲故才人嫁為廝養卒婦

生平宮閣裏出入侍丹墀開筍方羅縠窺鏡比娥眉初  
別意未解去久日生悲憔悴不自識嬌羞餘故姿夢中



忽彷彿猶言承燕私

同沈右率諸公賦鼓吹曲名

芳樹

早翫華池陰復影

一作鼓

滄洲柺椅柅芳若斯歲華紛可

結霜下桂枝銷怨與飛蓬折不厠玉盤滋誰憐終委絕

同前

沈約

發萼九華隈開跼寒路

一作露

側氤氲非一香參差多

異色宿昔寒飈舉摧殘不可識霜雪交橫至對之長

歎息

同前

王融

相望早春日烟華雜如霧復此佳麗人含情結芳樹

綺羅已自憐萱風多有趣去來徘徊者佳人不可遇

臨高臺

千里常思歸登臺臨綺翼纔見孤鳥還未辨連山極四

面動清風朝夜起寒色誰知倦遊者嗟此故鄉憶

同前

沈約

高臺不可望望遠使人愁連山無斷絕河水復悠悠

所思竟何在洛陽南陌頭可望不可見何用解人憂



巫山高 王融 可謂翰人憂

想像巫山高薄暮陽臺曲煙霞乍舒卷蘅芳自斷續  
彼美如可期寤言紛在矚憮然坐相思秋風下庭綠

同前 范雲 姑喚意

巫山高不極白日隱光輝靄靄朝雲去溟溟暮雨歸  
巖懸獸無跡林暗鳥疑飛枕席竟誰薦相望空依依

同前 劉繪 主人不可

高唐與巫山參差鬱相望灼爍在雲間氛氲出霞上  
散雨收夕臺行雲卷晨障出沒不易期嬋娟以惆悵

有所思 劉繪 青

別離安可再而我更重之佳人不相見明月空在帷  
共街滿堂酌獨斂向隅眉中心亂如雪寧知有所思

同前 范雲 未

如何有所思而無相見時宿昔夢顏色階庭尋履綦  
高張更何已引滿終自持欲知憂能老為視鏡中絲

當對酒 范雲 賦

對酒心自足故人來共持方悅羅襟解誰念髮成絲  
徇性良為達求名本自欺迨君當歌日及我傾樽時



齊言雜曲名

時為宣城守

同賦雜曲名

秋竹曲

媿娟綺窗北結根未參差從風既裊裊映日頗離離欲

求棗下吹別有江南枝但能凌白雪貞心蔭曲池

陽春歌

檀秀才

約

青春獻初歲白日映彫梁蘭萌猶自短柳葉未能長

已見花紅發復聞花蕊香乘

一作樂

此試遊衍誰知心

獨傷

綠水曲

江朝請

與

大塘上蒲欵齊汀洲杜將歇春心既易蕩春流豈難越  
桂棹及晚風菱江映初月芳香若可贈為君步羅襪

採菱曲

陶功曹

朝日映蘭澤乘風入桂嶼棹影已流倡輕舟復容與  
勿遽佳期移方追明月侶采采詎盈掬還望空延佇

白雪曲

朱孝廉

凝雲沒霄漢從風飛且散聯翩下幽谷徘徊依井幹  
既興楚客謠亦動周王歎所恨輕寒早不追陽春日

曲池之水



緩步遵莓渚披衿待蕙風芙蓉舞輕帶苞筍出芳叢浮  
雲自西北江海思無窮鳥去能傳響見我綠琴中

同謝諮議詠銅爵臺

總帷飄井榦樽酒若平生鬱鬱西陵樹詎聞歌吹聲芳  
襟染淚迹嬋娟空復情玉座猶寂寞况乃妾身輕

永明樂十首

王融同賦

南齊書樂志曰永明樂歌者竟陵王子良與諸文士造奏之人為十曲

帝圖開九有皇風浮四溟永明一為樂咸池無復靈  
民和禮樂富世清歌頌徽鴻名軼卷領稱首邁垂衣

朱臺鬱相望青槐紛馳道秋雲湛甘露春風散芝草  
龍樓日月照淄館風雲清儲光温似玉藩度式如瓊

化洽鯁海君恩變龍庭長西北鷺環裘東南盡龜象

出車長洲苑選旅朝夕川絡絡結雲騎奕奕泛戈船

燕駟遊京洛趙服麗有輝清歌留上客妙舞送將歸

實相薄五禮妙花開六塵明祥已玉燭寶瑞亦金輪

生茂苾蘿性身與佳惠隆飛纓入華殿屣步出重宮

彩鳳鳴朝陽玄鶴舞清商瑞此永明曲千載為金皇

同王主簿有所思



佳期期未歸望望下鳴機徘徊東陌上月出行人稀

綠風初銅雀悲

落日高城上餘光入總帷寂寂深松晚寧知琴瑟悲

賈賁西玉階怨

夕殿下珠簾流螢飛復息長夜縫羅衣思君此何極

金谷聚

渠碗送佳人玉杯邀玉臺作要上客車馬一東西別後思今

夕

王孫遊

綠草蔓如絲雜樹紅英發無論君不歸君歸芳已歇



詩紀卷之五十八

詩紀卷之五十九

齊四

謝朓

詩

侍宴華光殿曲水奉勅為皇太子作

九章。以下四言。

旁求邃古。逖聽鴻名。大寶曰位。得一為貞。朱裾叶社。綠

字摘英。升配同貫。進讓殊聲。

大橫將屬。會昌已命。國步中徂。震居膺慶。璽劔先傳。龜

玉增映。宗堯有緒。復禹無競。



禮行郊社人神受職寶效山川鱗羽變色玄塞北靡丹  
徼南極浮毳駕風非泳非陟  
能官民秀利建天跼朽鶉列野營絳分區論思帝則獻  
納宸樞麟趾方定鷄翼誰濡  
西京藹藹東都濟濟秋後濯流春禊浮醴初吉云獻上  
除方啓昔駕陽顛今帳雲陞

嘉樂舊矣芳宴在斯載留神曠有睟天儀龍精已映威  
仰未移葉依黃鳥花落春池

高殿弘敞禁林稠密青磴崛起丹樓間出翠葆隨風金

戈動日惆悵清管徘徊輕佾

灞澹入筵河淇流阡海

一作若谷

一作來往觴肴泂泂歡

飫有終清光歆暮輕貂回首華組徐步

登賢博望獻賦清漳漢貳稱敏魏兩垂芳監撫有則七  
鬯無方瞻言守器永愧元良

三日侍華光殿曲水宴代人應詔 十章

群分未辨類聚茲式天睠休明且求至德御繁實簡制  
動惟默官府百王衣裳萬國

中葉遭閔副內多違悠悠靈既爰有適歸於昭睿后撫



運天飛疑居中縣神動外畿

懸象著明離光乃位我有儲德微猷淵備長壽察書龍

樓迴轡重道上庠行遵儒肆

朝陽有幹布葉萋萋思皇威矣鶴羽高棲出馳先輅入

秉介珪瞻秦望井建魯分奎

求賢每勞得士方逸有覺斯順無文咸秩萬箱惟重百

鏐載卹屈草戒諛階奠紀日

文教已肅武節旣馳榮光可照合璧如規載懷姑射尚

想瑤池濯龍乃飾天淵在斯

作樂順動實符時義上春初吉亦留淵寄紅樹中 舒青

莎水被雕梁虹拖雲霓鳥跂

高懸甲帳周塞黼帷長筵列陛激水旋墀浮醪聚蟻靈

蔡呈姿河宗躍踢海介夔跣

弱腕纖腰遷延妙舞秦箏趙瑟殷勤促柱降席連綏稱

觴接武稽首萬年獻茲多祐

天地旣成泉流旣清薄暮沾幸屬奉文明將標齊配刻

掃秦京願馳龍漠飲馬懸旌

三日侍宴曲水代人應詔 九章



神理內寂機象外融遺情汾水垂冕鴻宮樹以司牧匪  
我求蒙徒勤日用誰契玄功

往晦必明來碩資蹇於皇克聖時乘御辯寶曆載暉瑤  
光重踐昭昭舊物熙熙遷善

當寧日昃求衣未明抵壁焚翠銷劍隳城九疇式序三  
辟載清虞箴罔闕矇奏傳聲

麗景則春儀方在震重聖積厚金式瓊潤天爵必諧王  
臣咸蓋壁言諸華霍惟邠之鎮

正朔葱瀚冠冕邛越爭長明堂相趨魏闕龜象南薦環  
裘西發巢閣易窺馴庭雞戒

上巳惟昔于彼禊流袂穢河澣張樂春疇旣停龍駕亦  
泛鳧舟靈宮備矣無待茲遊

初鷲命曉朝霞開夜飾陞道源廻伊流灞極望天淵曲  
阻亭榭閒館巖敞長廊水架

金觴搖蕩玉姐推移筵浮水豹席擾雲竊寥亮琴瑟噉  
眺墳麓歡茲廣讌穆穆天儀

周道如砥康衢載直徒愧玄黃負恩無力華轡徒駕長  
纓未飾相彼失晨寧忘鼓翼



遊山

以下  
五言

託養因支離乘閒遂疲蹇語默良未尋得喪云誰辯幸  
蒞山水都復值清冬緬凌厓必千仞尋谿將萬轉堅嶮  
旣峻嶒迴流復宛澶杳杳雲竇深淵淵石溜淺傍眺鬱  
簾笏還望森柵樾荒隩被歲莎崩壁帶苔蘚鼯狖叫層  
巖鷗鳧戲沙衍觸賞聊自觀即趣咸已展經目惜所遇  
前路欣方踐無言蕙草歇留垣芳可舉尚子時未歸邴  
生思自免永志昔所欽勝迹今能選寄言賞心客得性  
良爲善

遊敬亭山

茲山亘百里合沓與雲齊隱淪旣已託靈異居然棲上  
干蔽白日下屬帶迴谿交藤荒且蔓樛枝聳復低獨鶴  
方朝唳饑鼯此夜啼滯雲已漫漫夕雨亦淒淒我行雖  
紆組兼得尋幽蹊緣源殊未極歸徑窅如迷要欲追竒  
趣即此凌丹梯皇恩竟已矣茲理庶無睽

將遊湘水尋句溪

旣從陵陽釣挂鱗駮赤螭方尋桂水源謁帝蒼山垂厓  
哉且未會乘景弄清漪瑟汨瀉長淀潺湲赴兩岐輕蘋



上靡靡雜石下離離寒草分花映戲鮪乘空移興以暮  
秋月清霜落素枝魚鳥余方翫纓綉君自縻及茲暢懷  
抱山川長若斯

遊東田

戚戚苦無悰携手共行樂尋雲陟累榭隨山望菌閣遠  
樹曖阡阡生煙紛漠漠魚戲新荷動鳥散餘花落不對  
芳春酒還望青山郭

答王世子

飛雪天山來飄聚繩樞外蒼雲暗九重北風吹萬籟有

酒招親朋思與清顏會熊席惟爾安羔裘豈吾帶公子  
不垂堂誰肯憐蕭艾

答張齊興

荆山從百里漢廣流無極北馳星斗正南望朝雲色川  
隰同幽快冠冕異今昔子肅兩岐功我滯三冬職誰知  
京洛念彷彿昆山側向夕登城壕潛池隱復直地迥聞  
遙蟬天長望歸翼清文忽景麗思泉紛寶飾勿言脩路  
阻勉子康衢力曾厓寂且寥歸軫逝言陟

暫使下都夜發新林至京邑贈西府同僚



大江流日夜客心悲未央徒念關山近終知返路長秋  
河曙耿耿寒渚夜蒼蒼引領見京室宮雉正相望金波  
麗鳩鵲玉繩低建章驅車鼎門外思見昭丘陽馳暉不  
可接何況隔兩鄉風雲有鳥路江漢限無梁常恐鷹隼  
擊時菊委嚴霜寄言尉羅者寥廓已高翔  
王德元  
酬王晉安  
稍稍枝早勁塗塗露晚晞南中榮橘柚寧知鴻鴈飛拂  
霧朝青閣日旰坐彫闈悵望一途阻參差百慮依春草  
秋更綠公子未西歸誰能久京洛緇塵染素衣

郡內高齋閒望答呂法曹

呂僧珍為齊王法曹

結構何迢遞曠望極高深窓中列遠岫庭際俯喬林日  
出衆鳥散山暝孤猿吟已有池上酌復此風中琴非君  
羨無度孰為勞寸心惠而能好我問以瑤華音若遺金  
門步見就玉山岑

在郡卧病呈沈尚書

淮揚股肱守高卧猶在茲况復南山曲何異幽棲時連  
陰盛農節臺笠聚東菑高閣常晝掩荒堦少諍辭珍簞  
清夏室輕扇動涼颺嘉魴聊可薦綠蟻方獨持夏季沉



朱實秋藕折輕絲良辰竟何許夙昔夢佳期坐嘯徒可  
積為邦歲已暮絃歌終莫取撫機令自嗤

答謝宣城

王喬飛鳧鳥東方金馬門從宦非宦侶避世不避喧  
揆余發皇覽短翮屢飛翻晨趨朝建禮晚沐卧郊園  
賓至下塵榻憂來命綠樽昔賢侔時雨今守馥蘭蓀  
神交疲夢寐路遠隔思存牽拙謬東汜浮情反西崑  
顧循良菲薄何以儷瓊璠將隨渤澥去刷羽泛清源

別王丞僧儒

古文苑  
作王融

首夏實清和餘春滿郊甸花樹雜為錦月池皎如練如  
何當此時別離言與宴留雜已鬱紆行舟亦遙衍非君  
不見思所悲思不見

同羈夜集

積念隔炎涼驥言始今夕已對濁尊酒復此故鄉客霜  
月始流砌寒銷早吟隙幸藉京華遊邊城讌良席樵采  
咸共同荆莎聊可藉恐君城闕人安能久松栢

新亭渚別范零陵雲

洞庭張樂地瀟湘帝子遊雲去蒼梧野水還江漢流傳



駿我悵望輟掉子夷猶廣平聽方籍茂陵將見求心事  
俱已矣江上徒離憂

忝後湘州與宣城吏民別

弱齡倦簪履薄晚忝華輿閒沃盡地區山泉諧所好幸

遇昌化穆惇

一作淳

俗罕驚暴四時從偃息三省無侵冒

下車遽暄席紆服始黔竈榮辱未遑敷德禮何由導泪

徂奉南岳蕪秩典邦號疲馬方云驅鉛刀安可操遺惠

良寂寞恩靈亦匪報桂水日悠悠結言幸相勞吐納歸

爾和窮通最所蹈

懷故人

一作懷贈

芳洲有杜若可以贈佳期望望忽超遠何由見所思行

行未千里山川已間之離居方歲月故人不在茲清風

動簾夜孤月照窓時安得同携手酌酒賦新詩

始之宣城郡

下帷闕章句高談媿名理踈散謝公卿蕭條依掾史簪

髮逢嘉惠教義承君子心迹苦未并憂歡將十祀幸沾

雲雨慶方纒參多士振鷺徒追飛群龍難隸齒烹鮮止

貪競共治

一作理

屬庶耻伊余昧損益何用祗千里解劍



北宮朝息駕南川  
淡寧希廣平詠聊慕華陰市棄置宛  
洛遊多謝金門裏  
招招漾輕楫行行趨巖趾  
江海雖未從山林於此始

宣城郡出新林浦向板橋

江路西南永歸流  
東北鶩天際識歸舟  
雲中辯江樹旅思倦  
搖搖孤遊昔已屢  
旣懽懷祿情復協  
滄洲趣置塵自茲  
隔賞心於此遇  
雖無玄豹姿終隱  
南山霧

林沐重還丹陽道中

薄遊第從告思閒  
願罷歸還邛歌賦  
似休汝車騎非灞  
池不可別伊川  
難重違汀葭稍靡靡  
江茨復依依田鶴  
遠相叫沙鶻忽爭  
飛雲端楚山見林  
表吳岫微試與征  
徒望鄉淚盡沾衣  
賴此盈樽酌含景  
望芳菲問我勞何  
事露沐仰清徽志  
狹輕軒冕恩甚戀  
閨闈歲華春有酒  
初服偃郊扉

京路夜發

擾擾整夜裝肅肅戒徂  
兩曉星正寥落晨光復  
漾潏猶沾餘露團稍見  
朝霞上故鄉邈已夏  
山川脩且廣文奏方盈  
前懷人去心賞勅躬每  
跼踖瞻恩惟震蕩行矣  
倦



路長無由稅歸鞅

晚登三山還望京邑

灞浹望長安河陽視京縣白日麗飛甍參差皆可見餘

霞散成綺澄江靜如練

一作暄

鳥覆春洲雜英滿芳甸

去矣方滯滯懷哉罷歡宴佳期悵何許淚下如流霰有

情知望鄉誰能鬢真不變

始出尚書省

惟昔逢休明十載朝雲陛既通金闈籍復酌瓊筵醴宸

景厭昭臨昏風淪繼體紛虹亂朝日濁河穢清濟防

猶寬政餐荼更如薺英袞暢人謀文明固天啓青精翼

紫軼黃旗映朱邱還覩司隸章復見東都禮中區咸已

泰輕生諒昭洒音洗趨事辭宮闕載筆陪旌祭邑里向踈

蕪寒流自清泚衰柳尚沉沉凝露方泥泥零落悲友朋

歡娛燕兄弟既秉丹石心寧流素絲涕因此得蕭散垂

竿深澗底

直中書省

紫殿肅陰陰彤庭赫弘敞風動萬年枝日華承露掌玲

瓏結綺錢深沉映朱網紅藥當階翻蒼苔依砌上茲言



翔鳳池鳴珮多清響信美非吾室中園思偃仰朋情以  
鬱陶春物方駘蕩安得凌風翰聊恣山泉賞

觀朝雨

朔風吹飛雨蕭條江上來既灑百常觀復集九成臺空  
濛如薄霧散漫似輕埃平明振衣坐重門猶未開耳目  
暫無擾懷古信悠哉戢翼希驤首乘流畏曝鰓動息無  
兼遂岐路多徘徊方同戰勝者去剪北山萊

宣城郡內登望

借問下車日匪直望舒圓寒城一以眺平楚正蒼然山  
積陵陽阻溪流春穀泉威紆距遙甸嶢嶻帶遠天切切  
陰風暮桑柘起寒煙悵望心已極悄恍魂屢遷結髮倦  
為旅平生早事邊誰規鼎食盛寧要狐白鮮方棄汝南  
諾言稅遼東田

冬日晚郡事隙

案牘時閒暇偶坐觀卉木颯颯滿池荷條條蔭窻竹簷  
隙自周流房櫳閑且肅蒼翠望寒山崢嶸瞰平陸已惕  
慕歸心復傷千里目風霜旦夕甚蕙草無芬馥云誰美  
笙簧孰是厭適軸願言稅逸駕臨潭餌秋菊



高齋視事

餘雪映青山寒霧開白日曖曖江村見離離海樹出披  
衣就清盥憑軒方秉筆列俎歸單味連駕止容膝空為  
大國憂紛詭諒非一安得掃蓬逕鎖吾愁與疾

冬緒羈懷示蕭諮議虞田曹劉江二常侍

去國懷丘園入遠滯城闕寒燈耿宵夢清鏡悲曉髮風  
草不留霜冰池共如月寂寞此閒帷琴尊任所對客念  
坐嬋媛年華稍蒼葢夙慕雲澤遊共奉荆臺績一作績  
聽春鶯喧再視秋虹沒疲驂良易返恩一作思波不可越

誰慕臨淄鬪常希茂陵渴依隱幸自從求心果蕪昧方  
軫歸與願故山芝未歇

落日悵望

昧旦多紛喧日晏未遑舍落日餘清陰高枕東窻下寒  
槐漸如束秋菊行當把借問此何時涼風懷朔馬已傷  
慕歸客復思離居者情嗜幸非多案牘偏為寡既乏瑯  
琊政方憇洛陽社

賽敬亭山廟喜雨

夕悵懷椒糝蠲景潔管籥登秋雖未獻望歲佇年祥潭



淵深可厲狹邪車未方朦朧度絕限出沒見林堂秉玉  
朝群帝樽桂迎東皇排雲接虬蓋蔽日下霓裳會舞紛  
瑤席安歌遶鳳梁百味芬綺帳四座沾羽觴福被延民  
澤樂極思故鄉登山騁歸望原雨晦茫茫胡靈昧千里  
解珮拂山莊  
林且多賦貧民田未與會衣日食常餉高林東窓下寒  
假遇一作佳譽非將迎靖共一作静拱延殊慶中歲歷三臺旬月  
典邦政曾是共治情敢忘卹貧病將無富教禮孰有知  
方性敦本抑工商均業省兼并察壤見泉脉覘星視農

正忝稷緣高殖穡

一作稊

稭即卑盛舊埒新塍分青苗白

水映遙樹匝清陰連山周遠淨即此風雲佳孤觴聊可  
命既微三載道庶藉兩岐詠俾爾倉廩實余從谷口鄭

移病還園示親屬

疲策倦人世歛性就幽蓬停琴佇涼月滅燭聽歸鴻涼  
薰乘暮晰秋華臨夜空葉低知露密崖斷識雲重折荷  
茸寒袂開鏡眇衰容海暮騰清氣河關秘棲冲煙衡時  
未歇芝蘭去相從

治宅



結宇夕陰街荒幽橫九曲迢迤南川陽迤邐西山足闢  
館臨秋風敞窓望寒旭風碎池中荷霜翦江南景既無  
東都金且稅東臯粟

秋夜講解

四緣去誰肇七識習未央沉沉一作淵淵倒營魄苦蔭感愁  
腸琴瑟徒爛熳姱容空滿堂春顏遽幾日秋壘終茫茫  
孰云濟沉溺假願託津梁惠唱摘泉湧妙演發金相空  
有定無執實實固相忘自來乘首夏及此申暮霜雲物  
清晨景衣巾引夕涼風振蕉蓮裂霜下梧楸傷一作露下梧

傷六龍且無借三相窻久長何時接靈應及子同舟航

春思

茹溪發春水阡山起朝日蘭色望已同萍際轉如一巢  
燕聲上下黃鳥弄儔匹邊郊阻遊衍故人盈契闊夢寐  
借假簣思歸賴倚瑟幽念漸鬱陶山楹永為室

秋夜

秋夜促織鳴南隣搗衣急思君隔九重夜夜空佇立北  
窻輕幔垂西戶月光入何知白露下坐視階前濕誰能  
長分居秋晝冬復及



徘徊發紅萼葳蕤動綠旒垂楊低復舉新萍合且離步  
檐行袖靡當戶思襟披高響飄歌吹相思子未知時拂  
孤鸞鏡星鬢視參差

窻前一叢竹青翠獨言竒南條交北葉新筍雜故枝月  
光踈已密風來起復垂青麈飛不礙黃口得相窺但恨  
從風籜根株長別離

詠落梅

新葉初冉冉初葢新菲菲逢君後園燕相隨巧笑歸親  
勞君玉指摘以贈南威用持挿雲髻翡翠比光輝日暮  
長零落君恩不可追

詠墻北梔子

有美當階樹霜露未能移金蕚發朱采映日以離離幸  
賴夕陽下餘景及西枝還思照綠水君階無曲池餘榮  
未能已晚實猶見竒復留傾筐德君恩信未貲



未始已知實斷其音於前酌會論吾恩計未實知

陳文期下翰景文西林墨思思然木吾謂無曲成

百美當謂國詩賦未 練金黃發米米知日以鑄鑄

學其子

長其子思不

詩紀卷之五十九

詩紀卷之五十九





